



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlm XLI. Significauit.

[urn:nbn:de:hbz:466:1-62587](#)

ratio dari debet, quia ordinarius totam iudicandi liberam voluntatem vicario permittit, nec se immisceret, nisi quod causam ad se reuocare possit, sed tunc in isto casu alteri committere deberet, & non suspecto, sicut in casu simili docet gl. in c. Quarelam. 24. verb. commisit. de electione.

Idemque dicendum, si Ordinarius coram delegato suo ad vniuersitatem causarum testimoniuni dicere velit, admittendum esse. argum. I. Est receptione. 24. de jurisdictio. omnium judicium. imò probabile est, quod docet Abus. n. 8. propter necessitatem admittendum esse testimonium delegati etiam coram judge delegato in causâ particulari, propterea quod delegans actualiter partes judicis non agat, & si vel reuocare velit concessam jurisdictionem, vel si ad eum appellatur, tunc alteri cogetur causam committere, si testis ipse officio functus fuit.

CAPITVLVM XLI.

Significauit.

PARAPHRASIS.

Quidam laici fundarunt Ecclesiam S. Nicolai, volentes, ut libera sit eius collatio, atque ut ipsi & successores sui nihil juris in Ecclesiâ quoad præsentationem &c. habeant, sed quia super hoc instrumentum publicum factum non erat, rector eius Ecclesiæ petuit ab Innoc. III. ut præsutionem faciat, ne temporis successu probationum copia depereat, idem mandat Papa judici Sabinensi, ut testes idoneos, quos rector produixerit, diligenter examinet, eorumque dicta in publicum referat instrumentū, priùs tamen hoc denuntiet fundatoribus, aut successoribus eorum, ut receptioni testium interesse possint, si velint, atque super hâc ipsâ denuntiatione, quod videlicet facta fuerit, publicum conficiatur instrumentum.

SUMMARIUM.

1. Fundator potest renuntiare juri suo, quod

ex fundatione sibi quasitum est. Manebit tamen nihilominus Patronus Ecclesiæ, neque eius curam omnino deserere potest.

2. In periculo ne quis super jure suo conueniat, aut jus eius impetratur, peti potest ut receperis super jure illo testibus, publicum instrumentum conficiatur.
3. Ad receptionem testium & publicationem attestacionum citandi, quorum interest. Si non compareant, nihilominus procedi potest.
4. Cantela in conficiendo instrumento adhibenda.
5. In factis antiquis presumuntur interuenisse solemnitates etiam extrinsecæ propter præbandi difficultatem.

NOTA I. fundator potest renuntiare juri suo, quod ex fundatione consequitur ad presentandum & alimenta petenda, si ad inopiam devenerit, ipse aut hæredes eius, nihilominus tamen permanebit Patronus Ecclesiæ, quam fundauit, ut proinde eius curam deserere omnino non possit, quamobrem etiam honor ipsi ut Patrono debitus negari non debet, vide quæ dixi lib. 4. T. b. Mor. Tract. 2. cap. 13. q. 4.

Nota II. Si periculum aliquod esse poscit, ne quispiam conueniatur, aut jus eius impetratur, tunc petere potest, ut testes recipiantur ac publicentur super jure suo, atq; ex depositionibus instrumentum publicum conficiatur ad perpetuam rei memoriam, ita etiam habetur in l. ult. de usuris pupillaribus.

Loquor in casu, cum periculum est, ne quis aliquando, cum minimè expectat, aut probationibus instruetus est, in judicium trahatur, seu jus eius impetratur, ut in casu huius capituli, nam Patronus seu qui Ecclesiæ fundauit, intentionem etiam suam fundatam habet, quod ad ipsum pertineat jus præsentandi, quamobrem Ecclesia secura non esset de sua libertate, nisi per testes aut instrumenta eam ostendere queat, sed quia testes temporis progressu moriuntur, ideo mature prouidendum est Ecclesiæ per publicum instrumentum.

Non autem loquimur de auctore seu qui

ius habet quidpiam petendi; huic enim ordinariè postulare non licet, ut testes recipiantur super causā, cūm is arbitratu suo agere possit, neque conueniens sit, ut causa actoris prius instruatur, quām inchoētur & ordinariè testes actoris, lite non contestatā, non recipiantur juxta ea, quae dicta sunt in c. vlt. ut lite non contestata. quod si verò causas accidat, ut actio intentari non possit, nisi prius receptis ac publicatis testimoniis, tum & auctor petere id poterit v.g. hæres, qui vult agere ex testamento, sicuti ex Hostiensi docet *Felinus*. hīc. n. 7. *Imola*. n. 3.

3 Not. III. Cum testes recipiuntur ac publicantur ad perpetuam rei memoriam & securitatem alicuius, debet parti alteri, cuius interest, denuntiari, ut veniat & interficit, quod si adesse nolit, aut legitimè citata non compareat, nihilominus in negotio proceditur, ut hīc & in c. l. vlt. vbi Salicetus ait, quod reus non possit compellere eum, qui se creditorem eius dicit ad agendum, sed possit petere, ut testes examinentur ad perpetuam rei memoriam, vel possit petere à judice ut auctori illi seu creditori præfigatur tempus, intra quod agat.

4 Adde consultum esse ut in instrumento ponatur parti aduersæ legitimè denuntiatum fuisse, ut receptioni testium interfit, cūm enim ea extrinseca sit aetui, internenisse non præsumitur, sed ab afferente probari debet, uti docet hīc gl. finalis. *Abbas* in c. *Albericus*, n. 6. hoc tit. & sumitū ex l. *Quacunque*. 13. ff. de *Public*. in rem act. vbi dicitur, ei, qui à pupillo se emisse ait, probandum incumbere, quod tutoris auctoritas interuenierit, vbi rationem dant DD. quod hæc sit extrinseca solennitas, quæ non præsumitur, sed probari debet. Alia verò est solennitas intrinseca sive subscripta, aetui, ut si quis fateatur testamētum factum esse, præsumitur legitimū numerum interuenisse, aut si quis fateatur emancipationē factā, præsumitur omnia solenniter aetia fuisse. l. *Ab eā parte*. 5. ff. de prob. §. vlt. *Instit. de fidei* ff. excipiunt tamen DD. hīc apud *Felinus*. n. 3. quod in factis antiquis præsumuntur interuenisse solennitates etiā extrinsecæ propter probandi difficultatem.

Dicit aliquis, etiam Presbyter nomine Ecclesie agere potuisset a cōtione negotiorum in re, ut declararetur Ecclesiam liberā esse sc̄lteri jus nullum in re competere juxta l. *Etsi forte*. 5. §. *Sciendum* ff. *Sic eruitus vindicetur*. Resp. licet agere posset, non tamen ad id obligatur, sed potest sibi remedium opportuniū eligere defendendi se, seu potius prouidēdi sibi aduersus futuram actionē alterius.

Dico itaque breuiter, quod Presbyter in hoc casu agere possit & non agere, puta tamen securius esse non agere, sed tantum prouidere, ne contra ipsum agatur, ita cum Hostiensi docet hīc *Imola*, columnā 2. *Abbas* & *Felinus*. n. 5. denique adiungit gl. hīc verb. *monumenta*, quod Presbyter seu rectorno mine Ecclesie sua condicione exlege, aut judicis implorato officio, cogere debuisset Patronum, ut daret instrumentum promissæ libertatis, uti constat ex l. *Sicut*. 21. C. de *liberali causā*. vbi dicitur, quod Patronus, qui manumisit, manumissionis instrumentum præstare cogatur, vnde vniuersim colligunt DD. hic nominatim *Felinus*. n. 8. *Bart.* in l. *Sifinita*. §. *Eleganter*. n. 3. ff. de *damno infesto*, quod creditor si debitum recepit, vel patrum non petendi fecit, eius rei confessionē scriptam seu apocham tradere debeat, cūm id ipsi non oblit, alteri verò hoc proficit, eumq; in suo jure securum reddat, juxta l. 2. ff. *Soluto matrimonio*. quod si verò accidat, ut etiā vicissim creditor v.g. dominus fundi, qui à colono pensiones accepit, satis securus non sit, ne forte successu temporis fundum ut proprium sibi vendicet, tunc cogi potest ad dannam antapocham gegen. *Never* / seu gegen. *Verschreiben* per quam confiteritur pensionem quot annis soluisse, ut ita facultas prescribendi tollatur. l. *Piores*. 19. de *fidei instrum.* & videri potest gl. in l. vlt. vbi notatur, quod apocha datur à creditore debitori, antapocha à debitore creditori.

CAPITVLVM XLII.

Cūm causam.

PARAPHRASI S.
Monasterium S. Martini vendiderat qual
dam